

2019

LABBINGOL KO HAANI CIFTORE
LELNANGOL TAWON HE BINNDOL
GADANOL NGOL SARTAAJI LAAMORDI
LEYDI NDI (feewnitaa kadi yaajinaa)



Constitutional Review Commission

Fedde wiɗtoore sartaaji laamordí leydi ndi

Fedde wiɗtoore sartaaji laamordí leydi ndi

11/13/2019

Pulaar

FECERE1- LEYDI HE'NDI HOORE MUM HE YIMBE KEBBE KONGOL HE NO LEYDI JOGORTEE

1.1 Ndee feccere wonde ndeer tay're gila 1 haa 5 heftinii wonde Gammbiya ko leydi laamiindi hoore mayri, te ko ndi leydi saawndi partii keewdi jaadudi he demmokaraasi. Doole laamordede ko yimbe Gammbiya jii dum, te ina yaadi he sartaaji laamordi leydi ndi. Ndee feccere, nde seerti he sartaaji leydi ngondi he hitaande 1997, okkiri laawol pirngol ko woni leydi Gammbiya, ñalaade teddufede te kadi hollirii siifaaji laamuuji didi: Laamu manngu nguhe laamuuji tokoosi di. Seertindirgol laamu na wadi fayida sabu dum hollirad wonde pewje ma paamondiral badiima yimbe bee he nokkuuli mu'en. He heftingol njidngu yimbe he beragol laamuuji he ndee feccere ado ko huunde mawnde he bambaare.

1.2 Feccere nde saawi tay're ado wonde he sarti laamordo leydi di 1970 he di 1997 hoolirii wonde Gammbiya ko leydi laamiindi hoore mayri wondude he doole yimbe be¹. Dum saawi tay're 100(2) (b) mbo sarti laamordo leydi mbo 1997 oo caliido suudu dipiteeji ndu, he ndeer gedde godde, feewnude luwaa ñiibnoowo kala diine he ndeer leydi Gammbiya wadaadam diine leydi ndi. He Duum kadi, tay're 47(wonde lees feccere VI) nde binndol ado sarti laamordo leydi ndi, teentini hebe ndimaagu hoore ma he pinal ma, diine ma, miijo ma yo goongingol ma he njiiki/wiide ma.

¹ He hitaande 2001, suudu dipiteeji ndu, he dow wagginagol oon tuma gonnoodo atooni jeneral he minista of jostis, feewnitiino sarti gonnoodo he sarti laamordo leydi ndi, renntude he gedde godde, yamiriino feewnugol tay're ado hollirnde wonde Gammbiya ko leydi laamiindi hoore mayri, ja'ndi diineeji di nanndaani gona he mayri – jam-maa-jam. Ndeen tay're, wonno ko luwaa teentinaado he sarti laamordo leydi ndi mbo hitaande 1997, o naabanooka referandum fii hollirgol ja'ngol yimbe. wataan, Keemesee Jamme ye'eti laawol luwaa nabi dum to suudu ñaawirdu toowndu ndu, duum hollirii miijo waylaango ngo yaadaani he luwaa. Ko duum artiri tay're ado nde to darnde mum ado to- wiigol Gammbiya ko leydi laamiindi hoore mayri/laamaandi. Wayde noon, luwaaji Gammbiya 2009 baylaadi di haande artirgol tay're ado nde to darnde mum ado to, labbini ko suudu ñaawirdu toowndu ndu lelnunookoo (no foti nii wonir) woppii daande 'seekula' nde he tay're hee wadi maande holliroore ko Keemesee Jamme salinooko. Ko woni darnde sarti laamordi leydi ndi, ndeen, ko wonde tay're ado ndeen nde sarti laamordo leydi ndi mbo hitaande 1997 accirii no wonirnoonih nde weddaa ndee karte haa ja'baa no sarti 1997 oo lelniri nih.

FECERE II - SARTAAJILAAMORDI LEYDI HE LUWAAJI

2.1 Ndee faccere wonde ndeer tay're gila 6 haa 9 fawii sarti laamordoleydi oo woni luwaa tiimdo luwaaaji Gammbiya dii fof te o jaŋtiima luwaaaji goddi gondi he Gammbiya. Na jogii fannuuji doolinooji heen gefe he sartaaji leydi ndi.

Ndee feccere nattinii peeje laamorde jaajde daraniide doolingol fannuuji gondi he sarti laamordo leydi. Dii laabi laamordi yamirii neddo fewja nabde he luwaa si tawii o renti,maa he beleede (yidde), dental yimbe, maa daragol he ko woni naffakka jamaa oo, maa fedde gollude he beleede/yidde gooto maa ko buri gooto jeyaabe be heen. Ndee feccere ko adiilaabbinii ngaadondiral ngal Gmmbiya renti tawete he luwaaaji leydi Gammbiya caggal nde di njabaa yoo di tabbintinaa.

2.2 Ndee feccre roondii kala bidde leydi ndi ko yoo o teddin, o wakkiloo dantanagol sartaaji leydi ndi.

2.3 Duum hadii kala feere fii libgol yamiroore sarta oo taa yaadaani he luwaa. Na tawa heen toŋgol, maa libgol maa firtugol sarta laamordo leydi ndi, maa walla kala ko jeyaa he mum. Ndeen noon, neddo oo tooŋaani de, si tawii o dartaniima kala ettoore tuŋgol, libgol maa firtugol sarta laamordo leydi ndi.

FECERE- PONKE LEYDI NDIHE LAABI LAAMORDI

3.1 Ndee fccere ko nde hesere, tottirnde ponke leydi he laabi laamordi jokkondirdi he terde maa juude laamu ngu, liggotoobe he laamuuji tokoosihee, liggotoobe he laamu, he yimbe wodbe wonbe ndeer tay're gila 10 haa 12. Nde moyyinanaako faarnoragol leydi ndi, njidki leydi ndihe neddo kala he defaare denndaangal yimbe faade to leydi to. Na tijja ko dum huunde wadnde fayida he ndee samtare hesere sarta oo.

3.2 Ina hebtini, aada woni fonndomaa/ngoroondi leydi ndihe pinal yimbe Gammbiya kaŋum he leydi ndi. Ina lelŋi laabi fotde Gammianaabe fof, fawii heen ko fotde samtude he reende faaro he innde moyyere Gammbiya, he donngal ngaddadngal kawral yimbe leydi, jubbondiral he koddigal belngal yoo doŋngal reende he danndugol ko taarii en koo

(taarnde nde), he doftaade leydi Gammbiya ndi he wadde kadi ballal ma he dartanaade leydi ndi he waktu mbo in haajoraa.

Dii aadaaji he ngal barligal na mawni he darnugol maa moyy'ingol leydi, sabu di ngaddad dewondiral, hoolaare, muñal, tinnaare he liggey, yidde leydi mum, fotndindirgol feccoore ngalu leydi ndi.

FECERE IV -JIBINANDE/BIDDO LEYDIYAAGAL

4.1 Ndee fccere saawi tay're gila 13 haa 21 faccirnde ngondo biddo leydi Gammbiya he no biddo leydiyaagal hebbirto.

4.2 Feccere nde hisnii jibbinande yimbe wonnoobe biibe leydi Gammbiya haade ngol binndol sarti laamordo leydi ndi. Ceertigal alaataani hakkunde biddo jibinaado doo he mbo neene mum maa baaba mum jibinaadohen. Sukaabekebe duubi jeetati (8) feemi lees tawaabe he ndeer leydi Gammbiya, kono jinnaabe mabbe nganndaaka, been ne kobe biibe leydi Gammbiya.

4.3 Ina okkiri biddo leydiyaagal to binndol neddo ndesondirdo he Gammbiyanaajo joodido he leydi hee fotde duubi jowi (ustaama immoraade duubi jeedidi).

Wontude jibinannde leydi he dow weccugol jibinannde leydiyaagal joommumina yamiraa, kono wontudo jibinannde leydi wadataani joomum acca wonde jibinannde leydi wonndi, si tawii ndiin leydi be sosorii/ngimmori tegaani Gammbiyanaabe lelnude wonde biibe leydi Gammbiya.

4.4 Si tawii jibnaabe Gambiyaanaabe ne'i sukaaabe be ngonaa Gammbiyanaabe,be mbaawi winndo be dabba kayit won'de jibinannde leydi Gammbiya. Wongol jibinannde leydeele didi, artirgol jibinanndeyaagal, hadgol wonde jibinannde kadi na watoraa heen. Suudu dippiteeji ndu na doolindinaa fii uddita damal winndugol yimbe jibinaabe he leydi Gammbiya kono jibnaabe mabbe wonaa Gammbiyanaabe nannde maa haande sappo he jowi Noofemba 2019 yoo winndugol yimbe be timminaani sartawonde biibe leydi Gammbiya he lees ndee feccere.

FECEREV-HOOREEJOYAAGAL/YEESOYAAGAL HE NUUNDAL

5. 1Ndee feccere hesere he ndeer tay're 22 haa 29 na abbitii he hooreejoayaagal he nuundal ngandudaa ko sifaa faaydindo he demokaraasi laabdo. Feccere nde fullinaama he ko yaaji he njidngu yimbe haa darna maandeeji hooreejoayaagal, haa yi'a nuundere he laamu he (jawo puntatngo he baajtaaresartaaji jamaa keso.) Ina saawi fannuuji mbaadi no ko warlii jibinannde leydiyaagal, badaatehe waatgol liggotoobe laamu, baddugol mu'en he kuule kaalis, happu haadgol he badaate liggotoobe laamu, he warlidal yimbe mbaaddoobe he liggotoobe laamu he ndeer golle leydi ndi.

5.2 Ndee feccere okkirii wonde yimbekaliibe ngol darol waddi tooñange yakkunge sarta laamordo leydi ndi, te ndeen o udditii yoo nehdi rewne dowmum, maa tay'gol mbaddigal ngaadondirangal.

FECERE VI- HAKKEEJI NEDDO TEENTUDI HE NDIMAAGU

6.1 Aynugol hakkeeki neddo teentudiihe yaataare ko dum caabi he kala demmokaraasi. Ndee feccere okkiri fii hakkeeki neddo teentudi he yaataare mum he tay're 30 haa 79 njaadudi he lalnande kesse (limaadi to lees). Ndee feccere okkirii dooldingol siwil e warlugal polotik yoo he ngalu, jamaa e hakkeeki aada. Ina feccaa pecce didi.

Senjo I- Duumo hubtindingo to senjo hakkeeki neddo teentudi he ndimaagu

6.2 Ndee feccere okkiri enniyaaji hakkeeki yimbe, dooldingol he nabgolhakkeeki, dum na gaddaa he ndee feccere e doole cuudi ñaawiridii fii no waddata he hakkeeki he happu hakkeeki. He ko seerti he sartaaji 1997, ndee feccere nde hollirii dokkal kessal fii nuukgol warlidal peewngal to laamu fii teddina, yoo roondoo hakkeeki yoo gaddoo he ndeer sarta leydi oo.

SenjooII- HAKKEEJIHE NDIMAAGU GINNAADI

6.3 Ngoo senjo okkiri hakkeeki he ndimaagu ginnaadi, tawaadi he hakkeeki he ciwil he polotik, hakkeeki ngalu, jamaa he hakkeeki aada he hakkeeki dental. Ko faati he hakkeeki ngalu, jamaa he aada ngandudaa na okkiraa he oo waktu he ndeer sartaaji 1997, fii sartaaji feewtinadi daral jaarugol leydi, jooni na goondinaa he ndee feccere.

6.4 warlagol fii heḅgo kibaaru na holliraa. Haande accugol ndee feccere ngonde he sartaaji 1997 he cuudí kibaaruuji, ndee feccere darnii hakkeji he ko abbitii he cuudí kibaaruuji e yataare cuudí kibaaruuji fii doolintinee taa hakkeji mu'en na teddinaa.

6.5 Hakkeji sukaabe, mawbe, yimbe laakdube he paawaabe, hakke danndugol kiliyaanuujii he warlannde peewal he ligge fof na doo anndinaa he bollol maa laawol ido. Hakke laḅḅingol ko taariikoo he hakke daranagol ḅaaḅtaare na darnaa he ido he ndee feccere.

6.6 He naḅrugol ngalu, jamaa he hakkeji aada, ndee feccere he bollol ido tegii barligal he dow laamu fii hollira do kala nde ngaluuji heḅaaki, te ina toowni fii yiide ko ḅuri yaaj he weltaare heḅoo hedii hakkeji tawa alhaluuji ngonadḅidí na ngaccitaa hakkil.

6.7 Kongol yaajngol fa'i he happu hakkeji na holintinaa. Ndee faccere haa faa okkirii fii hakkeji nanndudí he ustaadí (Dum woni hakkeji dí nganndudaa fokka teddugal majji tabintinee taa waawata he no wa'i fof, he wakktu ḅittere jamaa he na mari laabi continndí he parti hollira ḅaawirdu lor immordo to luwaa.)fii dooldinde hakkeji yimbe okkiraadí he ndeer sartaaji laamordí leydi.

FECERE VII-DARAGOL HE INNDE YIMBE/NEDDO GONANDO YIMBE

7.1 Ndee feccere saawi tay're 72 haa 82, okkiringol ngol na sukkondiri he ndeer pecce tati fiihakke winndagol fii wernagol karte, yoo darnugol fedde beriinde marnde wernagol karte e fedde keeriiji (innirtinaa immori inndipendan eloktoral commison) yoo partiiji polotik. Boli fii wernagol karte, konti yoo martabaaji yoo jippingol martabaaji he yimbe rentube he ndee fedde, warlugal mu'en yoo ko ḅe hadaa koon ko abbitii he partiiji polotik, díi fof dí laḅḅinaa he ndeer ndee feccere.

Seḅgo I –Hakkeji tawaadí he wernagol karte

7.2 Ngoo seḅgo saawi dokkal poorngal he sartaaji njaajdí fii naḅrugol wernagol karte, ina tottiri aadi hakke, winndagol fii wernoo karte, te okkiri laabi njaajdí he díi hakkeji wernagol karte.

SEŊGO II - FEDDE KEERI E WERNAGOL KARTE BERIINDE

7.3 Ndee feccere darnii fedde keeri e wernagol karte (IBEC) yoo konde saawi he darnde mu'en. Ndee innde weccaande immori he ko anndiranoo 'indipendan elektoral commison' na woni ko jari sabu oo IBEC na okkaa doole he sartaaji laamu fii fecca keeri werneteedi karte.

SEŊGO III - PARTIJI POLOTIK.

7.4 Ndee feccere abbitii he kuule partiji polotik. Ndee feccere seertunde he sarta laamordo leydi teganoodo he hitaande 1997 feewtii he partiji polotik fii teddina hakkeeki yimbe fof renta he no kuule polotik no yaarata tawa saawat rewbe, sukaaabe, yimbe laakdube, yoo yimbe famdinaabe. Parti fof na totta dongal fii yiide, no famdi fof, sappu he ndeer teemedere fof he ndarotoobe yo wernaneede karte njaha to suudu dipiteebe to immorat he sukaaabe.

7.5 He ko besdii he duum, ngo seŋgo hadii darnugol parti tawa o fawat mbo he dow diine, demngal, leñol, ngendi, maa debbo he gorkoyaagal haa he ko abbitii he tunndu; haa joono in hadii partiji he nattugol he kuule noddigol ngañondiral he kala seŋgo. Feccre ndee haa jooni hadii partiji kiirgol yimbe he fitina, nattuuji mbaadi no kala he dow neddo hay si tawii been be seerti feewtannde ma ko wonaani.

CHAPTER VIII- DOOLINDINAABE FII LAAMAADDE LEYDI

8.1 Ndee feccere okkiri Doolindinaabe fii laamaade leydi he ndeer tay'e 83 haa 131. Ina hebi pecce jowi.

SEŊGO1- SARTAAJI FEEWTINADI HE CATAL LAAMU

8.2 Ngoo seŋgo okkiri catal laamu ngal doole laamu immoraade to yimbe Gambia, tawa dee doole de tegaa he hooreejo leydi, ngandudaane oo na'rat dee doole he no sartaaji leydi ndi lelniri nih.

8.3. Haa jooni ina okkiri ne catal laamu ngal, saawat hooreejo leydi, sukkudo oo he hooreejo leydi yoo ndentubebee (Ministaaji) he ngal catal laamorgal, dum doo na fawii he sertigal yimbe Gambia.

SEŊGO II SUUDU LIGGORDU HOOREEJO LEYDI, DOOLE MAYRUHE FOTDE MAYRU

8.4 Ngo seŋgo darni suudu liggordu hooreejo leydi. Yeesoojo leydi wonata hooreejo leydi he laamu leydi Gammbiya, e jaarga toowdo mardo daande sordaluube Gammbiya.

8.5 Seŋgo ngoo haa faa warlinii hooreejo leydi no aynu luwaa oo he waktu fof, dannda leydi Gammbiya ndi, heddo, yellina, faydina kawral yimbe Gammbiya, hekadi heddo yellina teddungal seertigal yimbe Gammbiya.

8.6 Doole hooreejo leydi haa faa na labbinaa taa kam oon hooreejo mbo foti wad yewtere to suudu dipiteeji to he kuule gabbitiide faandaare leydi ndi, famdi fof laawol gootol he ndeerhitaande.

8.7 Pelital maa yamiroore ko yeesoojo leydi oo tottiri, na foti won he binndol, dum ko dokkal faydingal, maa jogoo siiŋe he siiŋaturu goondingol yeesoojo leydi oo, tawa kala mbadde ko yaadaani he dii sartaaji haa in addi waasgol maa gaaŋannde he leydi hee wonat ko joomum hooremum roondotoo dum.

8.8 Si tawii wisitegol na wadee he cellal hakkil maa banndu hooreejo leydi, joomum mbo foti jippo he ndeer waktu daabo haa wisitegol ngol timminee, te si dum wadi, sukkudo oo he yeesoojo leydi ndi hebbotoo suudu liggordu hooreejo leydi ndi. Dum ko dokkal kessal.

8.9 Si taawii sukkudo oo he hooreejo leydi horiima yebu suudu liggordu ndu, lebanoowo suudu dipiteeji ndu hebboto, te o daroto darnde hooreejo leydi.

SENGO III- WERNANEGOL KARTE FA'A TO SUUDU LAAMORDU.

8.10 Ngoo seŋgo okkiri wernanegol karte hooreejo leydi he ndeer wernagol karte leydi, wadete jonte tati haande waktu mbo hooreejo leydi darnana huubata.

8.11 Inawadi laabi lelnaadi jamirooji wernanegol maa waasgol wernane karte fii wonde yeesoojo leydi. Suɓgol ndarotoodo fii wernanegol karte yaha to suudu laamordudum doon na okkiraa yoo warlal ndarotoobe be timmingol sartaaji he laabi lelnaadi he ngoo seŋgo

8.12 Ngoo seŋgo haa jono tegii barligal he dow fedde ndariinde wernagol karte fii hollira ndariido mbeddanaado oo wonii yeesoojo leydi si tawi ndariido oo hebii ko buri feccere he karte mbeddaade he ndeer

wernagol karte. Si tawii hay ndariidõ gooto gañaaki, fedde nde noddirat wernagol karte kessol he ndeer balde sappo he nayi, he duum ndariibe dido hebbe bee ko buri heew he karte wonta foodondirat be. Dum woopondirii he sartaaji lalnanooji he ndeer hitaande 1997, anndandaa ko daddo oo he karte fof laamoto.

8.13 Fedde njugiinde ndee kuule wernagol karte warli holligol konti, yoo hollirgol ngañiidõ oo he ndeer waktuuji capande jeedidi yo tottira binndol ganndingol tooto jaarga halfinaado peewal (ciif jostis). Dum ne ko kesum ko woowaano.

8.14 Si tawii yeesoojo leydi mbeddanaado karte maayi haande o yebtata suudu liggordu, yoo haande lebanoowo suudu dipiteeji ndu sube he laawol karte, ndeen jaarga heeynordõ oo kuule peewal waatnete fii tega koyngal he yeesoojyaaji laamu haa tuma mbo jaarga suudu dipiteeji di suba he laawol wernagol karte.

Fedde njugiinde wernagol karte yoo fedde marnde kuule wernagol karte he oon tuma na warli noddit wernagol karte kesol he ndeer balde capande jeenayi. Dum ne ko dokkal kessal.

8.15 Siyelli doon, ngoo senjo okkiri ne neddo innaado ne kam gañii he wernagol karte yeesoojyaaji leydi, yebtat suudu liggordu he ñalaande sukkunde he huuɓgol worlannde yeesoojo leydi njoodiidõ oo. Ngañiidõ oo he karte he oon tuma rewtoto waatoore lelnaande tawat ko he jamaa heen jaarga peewal onn nabrata in, si tawii jaarga peewal oo hebaaki, ñaawoowo burdo toow he ñaawoobe heen he ndeer ñaawirdu tiimndu ñaawirdi helfotoo ñaawgol ngol. Dum ne ko dokkal kessal.

8.16 Parti polotik mbinndiidõ maa ndaraniidõ hoore mum he wernanegol karte, ndentudo he wernagol karte, mbo waawi winndu to ñaawirdu tiimndu ñaawirdi fii saloo peewal wernagol karte ngaal. Si tawii wernagol karte fii yeesoojyaagol leydi holliraama ne he ñaawirdu ne feewaani, onn tuma fedde jogiinde nde kuule wernagol karte noddirat wernagol karte kesol he ndeer balde capande jeenayi.

SENGO IV- LIGGORDI E SARTAAJI SUUDU LIGGORDU YEESOOJO LEYDI

8.17 Ngoo seŋgo ngo fuɗɗori immori he tay're 100 haa 107 te okkiri happu yeesoojo leydi wona duubi jowi te hadii kala neddo fii jogoo suudu liggordu yeesoojo leydi ko ɓuri happuuji diidi he kala duubi jowi, si tawii ko ko sukkondiri, maa sukkondiraani. Dum doo ko dokkal ngal woowaani darnagal fii danndugol wiiltingol hoorem he suudu laamordu.

8.18 Yeesoojo leydi oo mbo warla he ndeer lebbi tati koo yebti suudu liggordu, o hollira namaale mum, faandaare julayaaji mum yoo kebbal mum tooto fedde habotoobe nguya. Yeesoojo leydi oo haa jooni mbo warlaa fii anndintingol badaate mum feewtii he luwaa, faandaare mum he julayaaji e kebbal mum too to fedde habotoonde nguya he ndeer lebbi tati koo acci koon suudu liggordu. Dii sartaaji haa jooni di tegaa dow ndesondirdo he yeesoojo leydi.

8.19 Ngo seŋgo hadi yeesoojo leydi njoodiido fii o heba jongo he suudu wondu liggorndu laamu, maa suudu liggorndu ndu wonaa laamu, maa naatta he darnugol fedde, wolla fedde ndaraniinde ballal.

8.20 Seŋgo ngoo haa jooni okkiri danduru yeesoojo leydi he naawoore siwil, maa ko abbitii he naawoore yakkunde luwa leydi, kono tawi tan mbo he suudu liggordu. Ngol dandugol fa'aani he badaate, ustere ma tooñande badaade he ndeer waktu wongol suudu liggordu. De dokke diidi fof ko kese.

8.21 Ngoo seŋgo haa jooni okkiri si tawi suudu liggordu yeesoojo leydi he sabaabu fof si tawii boldi, sukkudo o yeesoojo leydi horiima yebtu suudu liggordu ndu, yeesoojo lebanoowo suudu dipiteeji jaboto suudu laamu tawa ko desngal. Si tawii lebanoowo suudu dipiteeji ndu horiima jaboto suudu liggordu, oon tuma jaarga mardo oo peewal jaboto suudu liggordu tawa ko desngal.

8.22 laabi sukketeedi di si tawi yeesoojo leydi tawama o hortiima daro darongal mum he suudu liggordu he dow sababuuji mankere hakkil ma banndu, dum ne na okkiraa. Laawol sukketengol si tawi yeesoojo leydi na ittire he badaate bonde burtude, dum ne na lelana. Sababuuji jippingol ngonata: burtere he suudu legge, salagol rewto waatoore nde o widi fii suudu liggordu, yakkere sartaaji leydi, hadgol peewal yoo badaate bonde.

Senjo V CUUDI LIGGORDI HE NDEER CATAL LAAMU

8.23 ko tawaaka koon he darnugol suudu liggordu yeesoojo leydi, ndee feccere haa jono okkirii cuudi faydindi he ndeer catal laamu. Dii na yi'aa ne ko ko warlii e teddi fii yiigol fulla e fayda he nabrugol catal laamu. Dii cuudi liggordidi okkiraa to lees.

(i) Sukkuḍo oo yeesoojo leydi e ministaaji

8.24 Ngel peccel darni suudu liggordu sukkuḍo oo he hooreejo leydi, te jogotooḍo oo ndu suudu, ko yeesoojo leydi subotooḍum he ndeer balde capande tati nde hooreejo leydi oo baji suudu ligge.

8.25 Suudu dipiteeji di goontinta darnugol sukkuḍo oo he hooreejo leydi. Ina lelni martabaaji e jippingol martabaaji sukkuḍo oo hooreejo leydi he daral mum he boldugol palas oo. Suudu liggordu sukkuḍo yeesoojo leydi boldat si tawii joomum maayi, maa o tottitori palas suudu ligge, maa dajjitgol subagol mum, maa njogiido oo oon palas jebtii suudu liggordu hooreejo leydi.

8.26 Yebtugol ministaaji e palas legge, tawaa heen looya laamu mawdo oo, ina okkiraa he ndee tayre feccere. Ngel peccel, haa fa lelni martabaaji yoo jippingol martabaaji minister. Haa faa labbini tuma mbo suudu liggorde minister boldata.

8.27 Sukkuḍo oo he yeesoojo leydi e ministaaji gaddotoo diin cuudi minista yoo ceende de hooreejo leydi oo sasi be.

8.28 Sukkuḍo oo yeesoojo leydi e ministaaji, be mbarlaa hollirgol jawdi, namaale mu'en yoo feewtannde mu'en he julayaagal he ndeer lebbi tati haande be accu suudu ligge e kadi he nderr lebbi tati caggal nde be acci suudu ligge.

8.29 Tamdo oo makaama sukkuḍo he hooreejo leydi hadaama jogagol kala suudu liggordu wondu gila he laamu maa ko wonaa laamu he waktu mum maral, haa fa o hadaama naftor nduu suudu ligge fii nafakka hoore mum, darna, maa noddira, maa foorna darnugol fedde mballoore. Dii ko besditaare he sartaaji hitaande 1997.

8.30 Barligal haa fa tegaama he dow sukkuḍo oo he hooreejo leydi e ministaaji fii be nooto to suudu dipiteeji tuma fof in warlaa he mu'en. Suudu dipijeeji dii , he dow fiide feewtannde heeranaande he ko

buraani dīdi he pecce tati he dipiteeji dī fof, 6e mbaawi weddo karte hollira buri ko hew yaadaani he feere sukkōo hooreejo leydi maa minista

(ii) Catal laamu (kabinet)

8.31 Ngel peccel darni catal laamu e haa fa lelni ko in saawi koo e daral mu'en. Suudu liggordu mbiiteendu 'seketiri to di kabinet' ina okkiraa he dīi sartaaji leydi

8.32 Ina darnaa laamu leydi Gambia naatata he aadonndiral ngal anndudaā takat Gambiya waasa halfoore in. Haa faa ina okkiri nangonndiral hakkunnde leyde ngal yeesoojo leydi oo siini ma suudu dipiteeji dī hollira jaɓgol ngal nangonndiral.

8.33 'komite' he hakke yurmeende e 'komite'teddingol yoo komite dokkal, dīine na hollira, yoo ko dī saawi koo fof na laɓbinaa.

(iii) **Cuudī liggordī laamu goddī**

8.34 Ngel peccel darnii suudu liggordujaarga liggotoobe (ciif of staaf) to yeesoojo leydi to yoo darnde mum. Dum ko kessum. Suudu liggordu heeynordō dee ñaawooje laamu na daranii hoore in, seerta he suudu liggordu looya laamu mawdō oo (atooni jeneral). Dum ne ko kesum.

FECERE IX CATAL DARNOOBE LUWAA(suudu dipiteeji ndu)

9.1 Feccere IX ina fecca pecce jeetati e ina abbitii he darnugol luwaa ngandandaā ko in jūngo laamu,e ina jogii eɓɓugol luwaa, aynugol badaate catal laamorgal yoo jaɓgol deppas laamu,yoo renti he darde godde. Sartaaji caawdī darogal e rentube na jari fii badaate jarde he yimbe ndentube he darnnde mu'en.

SENGO 1SARTAAJI LAAMORDI DIPITEEJI

9.2 Ngoo sengo abbitii he sartaaji laamordī dipiteeji he musidal hakkunnde biɓbe suudu dipiteeji. Ina faydini fii sukkugol e doolidina laamal demmokaraasi gila he biɓbe leydi haa he dipiteeji, tawa na waawi aynu badaate catal laamu. Fii yiigol yeesoyaagal moyyal ngal nganndanda addat nangonndiral he ndeer leydi hee, kawral e jam. Ngoo sengo ko keso te na yi'aane ko in fonndomaa he laamol demmokaraasi. Ina doolintini humpitagol suudu dipiteeji he ndeer leydi Gambiya.

Seŋgo II DARNUGOL E KO SUUDU DIPITEEJI NDUU SAAWI

9.3 Lees ngoo seŋgo, Fedde widtoore sartaaji laamodí leydi ndii (CRC) he ndeer ndaartagol he yeewtidgol he biɓɓe leydi ndi heɓtinii, yoo jolnii yiigol maa miijooji di yimɓe leydi ɓe holliri, abbitii he caɗeele udditaniidí sukaaɓe, rewɓe, yoo yimɓe laakɗuɓe yoo fayda he kiirgol ɓe he polotik. Miijo sadŋgo ngo waawa ɓenne woni lelnugol laawol ngandudaɗa wallirat o kafu daranee darangal timmungal tooto suudu dipiteeji to. He dūum dokkalmbaɗangal heen he ko hawriti jooni he suudu dipiteeji ndu na tawa heen rewɓe, yimɓe laakɗuɓe, he ko ɓesdii he ɓe nganndudaɗa ɓe mbaawat wernane karte immori to tunndu gooto tawaandu.

9.4 Ngoo seŋgo no eɓbiranooni darnii suudu dipiteeji fii wona juŋgo laamu, lelni martabaaji yoo jippingol martabaaji yimɓe tawaɓe heen. Wernanogol karte tawaɓe heen yoo udditanii yimɓe leydi fii noddngol dipiteeji mu'en.

SEŊGO III HOOREE'BE SUUDU DIPITEEJI

9.5 Ngoo seŋgo darni cuudí liggordí heeyniibe suudu dipiteej, no matabaaji mu'en sukkondiri, daragol e golle mu'en yoo okkirngol njobdi mu'en. Dum na yaadi he fayda fii no ɓe mbaawirta toppito barligal mu'en no tawaɓe ha suudu dipiteeji. Yeesooɓeɓe ngoni leɓanoowo suudu dipiteeji ndu (ispiika), sukkudɔ oo heen, yeesoojo dipiteeji ɓurɗidí heew heyesoojo dipiteeji ɓurɗidí famɗu. Seŋgo ngoo fawti lelnire no ɓe wernirantee karte.

9.6 Ngoo seŋgo darnii he ko woowaani tawa na haani dokke mbaade no leɓanoowo suudu dipiteeji nduu wernante karte caggal; dental dipiteejidii; sukkudɔ oo leɓanoowo suudu dipiteejidii wernante karte he ndeer kawrital dipiteejidii. Yeeso dūum, palas ngardiidɔ oo parti ɓurɗo oo heewre dipite yoo ngardiidɔ oo parti ɓurɗo oo famɗire dipite, ɓee ɓe totta heɓtingol sarta, yoo no ɓe werninantee karte na lelnaa.

SEŊGO IV KAWRITAL E JOODAGOL SUUDU DIPITEEJI

9.7 Suudu dipiteeji nduu joodoto he kawrital tawa na warli keewal yimɓe tawaɓe haande dūm fudɗo. Na wadɗi dipiteeji dii tawee jeewtedee, si

tawi wonaa ɓe hebi ngantu, kana si tawii ko ɓe yaafaabe, d̄um wallat rek fii ɓe mbaawa darano tunnduujji mu'en.

9.8 Senjo ngoo okkiri, kawrital iddal suudu dipiteeji nduun caggal kala wernagol karte leydi, winndoowo suudu oo darnata he o hollitira he kaytol tinnoore he laawol tinnugol he jamaa. Waktu kawrite godde ko renntube he suudu dipiteeji ndarnata in, tawa noon yeesoojo leydi oon mbo waawi yamir leɓanoowo suudu dipiteeji ndu noddira kawrital he waktu mbo daande hare tottirte maa waktu bittere.

SENJO V MOYYINGOL LUWAA E DOOLE GODDE SUUDU DIPITEEJI

9.9 Ngoo senjo wadi okkiringol suudu nduu fii naftorgol doole luwaa. Ina lelni no luwaaji eɓɓadi yo miijoore no hollirte he lelnirtee. Dum ko maral faydinngal he laawol tiidnglo jokketengol he ndeer suudu dipiteeji.

9.10 Senjo wooto ngoo hadii suudu dipiteeji darnugol luwaa ndarnatdo leydi ndi parti gooto maa darna diine leydi maa wecca ñaawoore suudu ñaawirdu he kala ñaawgol maa tiinto he hadgol neddo hake mboo foddi maa mboo tegaa.

SENJO VI NABRUGOL HE NDEER SUUDU DIPITEEJI

9.11 Ngoo senjo holliri nabrugol sukketegol si tawi suudu dipiteeji di di njoodii. Haa fa in okkiri haala haaleteeka he ndeer suudu he, na tawaa he wattorgol demde leydi men. Senjo ngoo haa fa okkiri no peeje hawrirtee yoo lelnii jelu foti tawe haa joodagol waawa wade (keewal).

9.12 Ngoo senjo haa jooni okkiri doole jamaa oo fii ɓe mbinnda yamiroore suudu dipiteeji ndu he kala huunde he ko saawiiko he doole suudu dipiteeji, kono taa in fotaani fii toral darnee, wecce, laarte ma fiirta, ma dajjita kala luwaa ma foodondiral huunde wonnande nafakka jamaa, renti he gedde godde.

SENJO VI FEDDE DOOLINDINAANDE SUUDU DIPITEEJI

9.13 Ngoo seŋgo darni fedde suudu dipiteeji yoo fedde joggittinde kuule baɗal suudu dipiteeji, fii suudu dipiteeji ɗii abbitora margol yoo liggotoobe ndenntube he suudu hee.

SEŊGO VIII- WARLIGAL, NJOOBAARI E KO BE DANDAA KOO

9.14 He ndeer waɗgol darnde mu'en, rentubeɓee he suudu dipiteeji roondotoo tunnduuji mu'en, e yawti ɗuum fof daroo he baɗal ɓurngal he hitte leydi. Ngoo seŋgo heɓtinii he waɗii dokke fii reenegol maa danduru totte he rentube ɓe he suudu dipiteeji, he ko kala ɓe mbaawi haal he waktu mboɓe tottirta koŋgol he suudu he, e tootirii reengol he seedeeri tawaadi he ndeer suudu dipiteeji he,

FECERE SAPPO

CATAL LAAMU ÑAAWIRGAL (JUDISIYARI)

10.1 Ndee feccere nde feccaa pecce jeego te nde faandii he jungo laamu jogiingo kuule ñaawgol. Haa jooni nde faandi he piiji jogiidi peewal. Ndee feccere nde fudɗori hollirgol faayida ngondo he peewal.

SEŊGO 1:SARTAAJI NGAYNUDI DARNUGOL PEEWAL

10.2 Ngoo seŋgo lelni sartaaji ngaynudi peewal. Haa jooni na daraanii toownugol maral luwaa fii yiide laawol na tabintinaa, tawa makaama haygooto laaraaka. Ina hollirine njobdi ndariindi fii yobee loriido. Dow ɗuum ina daranii dooldingol beragol cuudi ñaawiirdi, tawa doole/sembe ñaawgol wonaɗ donngal cuudi ñaawirdi, taa ɗee doole waawa jabteede. Dum ɗoo ko kessum.

SEŊGO II SUUDU JAARGA PEEWAL E FEEWTANDE LUWAA

10.3 Ngoo seŋgo darni suudu jaarga peewal (offis of di ciif jostis.)Dum na yaadi he ko heewi he njidngu yimɓe Gammbiya. He ɗuum, jaarga laawol fokka wona ɓidɗo Gammbiya. Haa jooni na holliri ñaawirdi seertudi he ndeer Gammbiya.

SEŊGO III- DOOLE ÑAAWIRDI BURDIDI TOOW

10.4Ngoo seŋgo darni ñaawirdi toowdi, lelni happu dooleeji ɗi, yoo kodi hawriti. Ina tottiri bollol/laawol ido fii darnugol ñaawirdu sariya

(innirtenoo ñaawooje kaadi.) Duum do fayiida ko hollirgol cuudi ñaawirdi okkira ñaawtaneede immorde to ñaawirdu sariya toowndu fa'i to ñaawidu toral haa tooto ñaawirdu tiimdu ñaawirdi fof. Dum ne ko kessum.

10.5- Okkirgol wadaama he bollol/laawol ido fii roongol doole ñaawgol he ñaawirdi toral fii ndartoo nda neddo subaama he laawol yoo wernagol karte to laamuuji tokoosi.

IV- TAYOOBE ÑAAWOORE

10.6 Ngoo sengo holliri darnugol tayooobe ñaawoore, martaba fii subegol, yoo waktu margol palas, he naffakkaaji ngonandi pooftiido ligge/ golle.

SENGO V- MARGOL ÑAAWIRDI

10.7 He ndeer ngoo sengo, suudu kalfinaandu ñaawoore na fotondiri he suudu 'paamanent seketiri' tawa darnaama fii jogitoo kuule kaalisaaji ñaawirdi.

SENGO V1- DENTAL DOOLDINAGAL ÑAAWOORE

10.8 Subagol maroowo ñaawooje e liggotoobe/golloobe he ñaawirdi na helfinaa he ngoo sengo. Dental peewtinnagal ñaawoore darnete fii jogitagol liggotoobe wodbe e sengo no ñaawooje yaarata.

FECERE XI -BERAGOL LAAMUUJI TOKOOSI

11.1 Nde feccere holliri faayida ngondo he laamuuji tokoosi, he no doole berirte fii baantaare Gammbiya foof. Ina okki yimbe foof doole gila to lees fii renta/tawee he jaarugol yeeso Gammbiya. Haa jooni ina darii he okkugol laamuuju tokoosi doole ligge mu'en/ma6be ko feewi.

SENGO 1- SARTAAJI BERAGOL LAAMUUJI TOKOOSI

11.2 Ngoo sengo faandii he maral laamuuji tokoosi he pecondiral doole. Ina lelmi sartaaji no laamu mawngu guu berirte laamuuji tokoosi. Haa joono ina holliri no laamuuji tokoosi yaarata.

SEŊNGO II- DARNUGOL E KO SAAWII HE DOOLE LAAMUUJI TOKOOSI

11.3 He ndeer ngoo seŋgo, laamuuji tokoosidii na darnaa, dooledi e ligge/golledi na laabtinaa e tabintinaa. Doole laamagol hoorem e beragol he ndeer ligge mu'en. Tawegol yimbe, ko nokkiri gila to lees he baŋgal polotik, he baanŋaare nokkuuji mu'en. Tawaama heen reengol dokke joomiraawo e ko taari'en koo. Reena aadaaji e ko fullinden koo e kala laamu tokoosu. Dii foof di tawaa he ko fiŋaa enniya tiiddo he ngoo seŋgo.

SEŊNGO III- WERNAGOL KARTE E SARTAAJI SAAWDI SUBAGOL LAAMUUJI TOKOOSI

11.4 Ngoo seŋgo okkiri wernanegol karte fii maroowo e laamuuji tokoosi e waktu mbo be wonata oo e suudu liggordu. Okkiral ne wadaama haa be jogitanoo kaalis hoore mu'en yoo be daranoo laamu mawngu nguu wisitgol be.

SEŊGO IV CUUDIIGODDI KALFINAADI LAAMUUJI TOKOOSI (SEEFUUJI E JOOMAABE SAARE/JAARGAAJI)

11.5 He ngoo seŋgo, maral doole seefuuji e joomaabe saare e ko abbitii he laamu wonata mbiiteebe laambe aada. Dum na hebtinaa.

Dokkal okkiraama he subagol, joomaabe saare taa na lelniraa he laawol aada .Wernagol karte fii seefuuji na lelniraa he laawol aada .Wernagol karte he ko wonaa seefuuji. Dum na tawaa he laargol ko moyyi he laartindgol kebangol immorngol he nanondiral he yimbe/ Happu margol suudu ligge , maakaama oo e ittugul mardo makaama he dii cuudi didi ina holliraa he ngoo seŋgo. Si be yebtii suudu ligge, seefuuji e joomaabe saare marat oon palaas he kaadi nguurndam mu'en. Kanaa tawa palaas oo boldi, tawa na yaadi he sartaaji leydi.

11.6 Doo na hebtini daral aada seefuuji e joomaabe saare darii, woni addugol kawral he nderr nokkuuji mu'en. He duum, be hadaa natingol hoore mu'en he nattigol hoore mu'en he polotik he ndeer waktu ligge mu'en

FECERE X11 DENTE BERIIDE

12.1 Nde feccere nde fecca pecce jeedí, na hesdí te na jari. Ina hebtini yoo na daranii cate keɓde fayda he maral laamuuji e ɓaantaare jawdi leydi Gammbiya.

Sabaabu oo woni, darnugol cate sadde fii tabitingol maral moyyal andiraa demmokaraasi. Ina darii he faydingol maral he garduru waktu maral suudu ligge he juude marooje dee cate. Dum wallirat tinnaare e danndat jungo laamu waasa nattin hoore mu'en kobe tawaaka.

Fedde dooldinatnde hakke neddo e fedde habotoonde nguya he yakkere. Dum na tawaa he sartaaji leydi. Dum woni ido ko dum darna.

SENGO 1 DARNUGOL PELLE BERIIDE E CUUDI MU'EN LIGGORDI

12.2 Ndeer ngoo sengo, pelle beriide darnete, tawa enniya mu'en, deppas mu'en, kaalisaaji mu'en e dongal jantagol fof laabtinee.

Bollol/laawol udditaamafii darnugol e martaba sekkaado he jogotoobe suudu liggordu.

SENGO 11 DENTAL LEYDI DARINGAL FII HAKKEEJI YIMBE

12.3 Ngoo sengo okkiri kawrital, daragol e doole ngal dental ngannduɗaa na daranii fii wona fedde beriinde.

12.4 Ngoo sengo udditii damal fii neddo jogoo hake totirgol jantoore to ndee fedde nganndandaa na daranii fii wona fedde beriinde, hollira yawol huccina ngol he mum, wolla koo haɗaa, wolla gija mu itta, wolla hakkeji yimbe njakkaadi. Yaataare ne tawaama he ndee feccere no holliraa V1he sartaaji leydi hee.

SENGO III DENTAL HABOTOONGAL RAFI PEEWAL

12.5 Ngoo sengo okkiri ngal dental hawrita wona dental okkangal doole fii haɓagol rafi peewal.

12.6 Ngal dental ngal doolidinaa fii tefa tuumaaji wolla ko sobaa ne ko rafi peewal ma nguya, tawa neddo, maa doole hollirii tuuma oo wolla ari he gandal ngal dental. Na waawi immor he baddi maa he goddum.

12.7 Ngal dental haa jooni ngal hebi doole fii immingol ñaawoore he kala ko abbitii he nguya ma rafi peewal. Haa jooni yawtina ñaawoore to ñaawanoobe laamu fii yamiroore wola ko yaari noon.

SEŊGO 1V NDARNAADO WIDDITAGOL ABBITINGOL HE LIGGOTOOBE LAAMU(di ombus paasin)

12.8 Ngoo seŋgo okkiri ko hawriti, okkiri darnede doole suudu ligge.

12.9 oo ombusmaan mbo hebi dongal njaarungal he kalmuuji faandiidi he maral bonngal he laamu, tawaa heen kalmuuji abbitiidi yeeygol doole immorngol to doole laamu, badal ngooningal, hollirgol rafi peewal, lor wooñaare wolla badaate ngooniide immorde to liggantooobe jamaa.

SEŊGO V JAARGA TEFOOWO KONTI E SUUDU LIGGORDU TEF GOL KONTI

12.10 Lees ngoo seŋgo, jaarga tefoowo konti darnete. Doole mum e daral mum na holliraa. Daragol jaarga tefoowo konti mawdo oo wonat he tefgol kontiiji laamu, cate laamu e laamuuji tokoosi di.

SEŊGO 1V SUUDU MOBTIRDU KAALIS/JAWDI LAAMU TOOWNDU

12.11 Ngoo seŋgo daranii laamu nguu do mobtirta, he lelni sartaaji di cuudi mobtirdi kaalis darorta. Na heen tawa woni ndaartindagol, helfugol e totirgol sartaaji gardudi kuule kaalis, leyyi kaalis e reglugol cate mobtirde kaalis.

12.12 He ko seerti he saraaji leydi ndarnanoodi he hitaande 1997, jaarga suudu mobtirdu kaalis laamu mawndu ndu dimmidta wongol ngardiido kawrital heeyniibe cate ngonde he liggerde hee. Dum na yaadi he darnugo laamu moyyu.

SENGO VII

DENTAL DOOLDINANGAL WIDDITAGOL

12.13 Ngoo sengo tottiri yeesoojo laamu doole fii darnugol dental widdittongal e hollira doole e daragol dental widditto ngal

FECERE XIII

JAWDI LAAMU RENTAANDI

13.1 Ndee feccere nde fecca pecce jeego, ngal damal ngal faandi he jawdi laamu ndi jamaa renti, ngandandaa na hebi fayda fii margol kaalisiiji laamu di jamaa renti, maral kaalis moy'al ngandudaa na hebi fayda he nafaore yoo baantaare he ndeer laamagol peewngol anndiraa demmokaraasi. Ndee feccere faandi he ko abbitii he lempo, jawdi laamu, namaale, kaalis dokkal, deppassuuji e njumanadbe laamu.

SENGO I

SARTAAJI JAWDI LAAMU RENTAANDI

13.2 Ngoo sengo darni sartaaji sakkittoodi jawdi laamu rentaandi he ndeer leydi hee.

SENGO II LEMPO MAA CAGALE

13.3 Lees ngoo sengo, okkigol wadanaama no lempo beydirtee e no lempo nabretee he ndeer leydi hee. Ina ayni accugol e weccagol he lempooji, yoo na darni bollo/laawol sukketeengol yoo ko tegetee, tegtegol yoo ceertere he lempooji.

SENGO III

KAALIS MAA JAWDI LAAMU RENTAANDI

13.4 Jawdi laamu Rentaandi na darnaa. Laawol lelanaama fii no jawdi jogirtee. Ngandudaa na haajori ko laabi e widditagol. Peeje danndirrede tiidde darnanaama fii danda yakkere jawdi laamu rentaandi.

13.5 Ngoo sengo darni fii jawdi tegaandi fii baantaare leydi, ngandandaa jowi he ndeer teemedere fof he ko hawndidiraa koo he ndeer hitaande yobete. Ngoo sengo okkiri no jawdi baantaare ndii deppistirtee.

SEŊGO IV

ÑAMAACLE, DOKKE, SAKKITIRGOL LAAMU E ÑAMAACLE LAAMU

13.6 Ngoo seŋgo temmbinta no ñamaale aadondirtee e no ñamaale laamu toppitirtee e goodi. Ina heɓtini laartindagol suudu dipiteeji he ko faandii he ñamaale laamu.

DEPPAAS LAAMU

13.7 He ngoo seŋgo, damal waɗanaama fii ko laamu nguu eɓɓi he hitaande ndee. Dum ɗoo lelnete suudu dipiteeɓe he hakkunde dipiteeji dii, fii ɓe mbaawa hollir jaɓgol mu'en ma laawol sukketengol fii darnugol maŋkere ma ɓesdugol he no laabi dii lelniraa.

SEŊGO VI NJUMANOOBE LAAMU

13.8 Ngoo seŋgo okkiri yi'al fii reglugol njumanoobe laamu, yoo naa yaakoraa ko laabi he kala ko heɓaa no danndirtee nguya.

FECERE XIV- LEYDI, KO TAARII EN KOO E DOKKE JOOMIRAAWO

14.1 Ndee feccere nde heɓi ceŋɗe tati. Nde heɓtini e doolintini naffakka leydi, dokke joomiraawo yoo ko taariikoo. Dum ɗoo woni ido he ndeer sartaaji leydi ndi. Ina rentini miiɗooji seŋgo yiigol immorngol to yimɓe, seŋgo yiigol yimɓeɓe no ɓiɗɗo leydi e mbo wonaa ɓiɗɗo leydi ji'irta leydi, yoo jogagol dokke joomiraawo, lorrudi immoradi heko taarii en koo.

SEŊGO I

SARTAAJI POTAL HE MARGOL LEYDI, KO TAARII EN KOO E DOKKE JOOMIRAAWO.

14.2 Sartaaji saawdi pottal, helfugol e danduru leydi, ko taarii en koo yoo dokke joomiraawo na holliraa he ndeer ngoo seŋgo fii wonana en ko hollirta.

SEŊGO II

DENTAL DOOLIN'DINAGAL KUULE LEYDI, KO TAARII EN KOO YOO DOKKE JOOMIRAAWO

14.3 Ngoo sengo dani dental beringal heɓa doole he daande huccitnde he maral leydi moyyal e potal e naftorgol dokke joomiraawo e ko taarii en koo.

14.4 Haa jooni ina hollira potal he no leydi, yoo dokke joomiraawo naftortee he ndeer leydi hee.

14.5 Ina heɓtini njidngu faandiingu dandugol ko taarii en ko e tagoodi nguurndi yoo ceertal tagoodi ndi.

SENGO IIIKO TIIMI KO SARTAAJI /DOKKE NJAAYDE

14.6 Ngoo sengo regli no biɗɗo leydi e mbo wonaa biɗɗo leydi no ji'irta leydi. Ina heɓtini ceertande fawiinde no leydi ji'irtee. Dum na hawriti he hitte yimbe fii faandaare hakke nedɗo e jiigol Gammbiyanaabe ngonbe he oo jamaanu haa jamaanuuji arooji.

FECERE XV LIGGORDU LAAMU

15.1 Ndee feccere nde heɓi pecce nayi, te na faandii he liggorde laamu Gammbiya. Dum na hawriti njidngu yimbe haa waawa darnu dental beringal haa janginoobe ɓe, ñaawooɓe ɓe he liggottoɓe laamu daranoo hoore mu'en. He ndeer duum fedde janginoobe e fedde ñawndooɓe darnete, dum wonta bolol maa laawol ido he ndeer sarti laamordii.

15.2 Ndee feccere dani feewtande no palasuuji julayaagal laamu. Dii nokkuuji julayaagal laamu di halfinaa fii jogoo catal barkingal he jawdi leydi hee. Haa faa na daranii woodgol waktu jogagol jaargaabe laamu mawbe ɓe he rentube dame helfirde he palasuuji ligge/golle. Yoo no ɓe danndirtee he no laamu nattinirta jungo he kuule mu'en.

SEŊGO 1- DENTAL HALFINANGAL LIGGOTOOBE LAAMU GAMMBIYA

15.3 He lees ngoo seŋgo, liggerde laamu he Gammbiya na darnaa haa y'eftugol liggotoodo, ittugol, foofingol e martaba neddo mboo subortee he suudu ligge na doo labbinaa.

Hadgol tegaama he naatgol he ko abbitii he polotik he bee liggotoobe laamu.

SEŊGO 11- PELLE LIGORDE LAAMU

(I) SAAWIJKOO HE DE PELLE

15.4 Ngel peccel darni pelletati laamu ngonande yimbebe, tefa liggotoobe bee he laamu, woni dental dooldinangal liggotoobe bee he laamu, tawaama heen woni dudal janginoobe, dudal nawndoobe haa be wakkoo kuule subagol liggotoobe lees mu'en, needi mu'en e ittugol been liggotoobe he cuudi liggordi mu'en he ngaal dudal marirgal. Catal laamu darnama haa okkira bolol/laawol sukketengol he besdugol yoo wallitgol e feewtingol naffakka dee dude laamorde.

(ii) FEDDE MARNDE LIGGOTOOBE HE LAAMU

15.5 Ndee fedde yi'at ne, liggerde laamu na faaydini e tinnii fii yiigol baantaare yimbe. haa jooni okkira saas he potal mbo kala. He helfingol dental margol liggotoobe laamu yottotaaki suudu dipiteeji, naawirdi, dudal danduru leydi haa fa'i he ligge laamuuji tokoosi.

(iii) FEDDE JANNGINOUBE

15.6 Ndee fedde roondotoo y'eftugol jannginoobe nelaabe he iskulaaji yoo ndaartoo happu foorgol janre ndee, yoo ekkitgol tijjangol he bee naatat be he jangingol, e kuule godde.

(iv) DUDAL NAWNDOOBE

15.7 Ndee fedderoondotoo subagol liggotoobe ndeer seŋgo cellal fii baantaare yimbe ngonbe he he ndeer cuudi cafrordi maa nawndoordi. Ina daranii yiigol ne nawndiigu foorngu e barkinngu he ndeer seŋgo nawndigal.

SEŊGO IIISARTAAJI SAAWAADI HE PELLE LIGGORDE LAAMU.

15.8 Sartaaaji lelnaama ko abbitii he martabaaji, waktu jogagol yoo beragoldee pelle liggotoobe he laamu he ngoo seŋgo.

SEŊGO IVNOKKUUJI NJULA DI LAAMU JII

15.9 Ngoo seŋgo helŋi subgol, yoo martabe liggotoodo yoo jippingol martaba helŋube cate liggorde. In darnat damal haa tefa badaate nokkuuji njulayaagal laamu. Oo nokku njulaagu laamu tottirat konji abbitiidi he badal mu'en he ndeer hitaande fof to suudu dipiteeji to.

FECERE XVI- DANNDURU LEYDI NDI

16.1 Ndee faccere nde saawi pecce nayi tede faandii he ngaynaaka leydi ndii. Ndee feccere yajjini he ko tawaa garduru ndeer leydi, te ina okkiri darnugol duɗal leydi roondotongal aynugol leydi ndi, dum wowaani.

SEŊGO 1 DUDE LAAMU JOGIIDI DANNDUGOL LEYDI E FEDDE ROONDIIDE TENKERE LEYDI

16.2 Pelle laamu ngardooje dee e fedde roondiinde tenkere leydi ndii na darnaa he lees ngoo seŋgo te faandaare dee pelle na laabtinaa.

SEŊGO II SORDARUUBE GAMMBIYA

16.3 Sordaaryaagal Gammbiya na laabtinaa yoo okkiregol wadaama no subbirtee he sordaaryaagal.

SEŊGO III DAMAL POLIS

16.4 Damal polis na darnaa, yoo laawol udditaama fii faandaare e daragol polis yoo no hooreejo'in subbirtee.

SEŊGO IV DENTAL SAAWNGAL DANNDURU LEYDI NDII

16.5 Ngal dental reglata subagol e kuule godde rentude he subagol neddo he palas he ndeer damal ngaynaaka leydi ndii. Dame ngaynoobe leydi saawaade he ngoo seŋgo woni, Gammbiya polis, damal Gammbiya imigireeson, Gammbiya faaya an reki saabis, e Gammbiya piriisin saabis.

FECERE XVII- BANŦAARE SUKAABE LEYDI

17. Ndee feccere lelni sartaaji saawiidi he baanŦaare sukaabe leydi nganndandaa sifanto laamu ko abbitii he sukaabe. Ina tawaa warlagol fii tinnugol sukaabe he gedde takkiide sukaabe.

FECERE XVIII DENTAL PINNDINANNGAL

18. Ndee feccere darnii damal dental pinndinannal; Ina darii darned,yoo martaba en jippingol martaba he tawaaŦe heen. Doole ngal damal yajjinaama fii ganndal yoo wiccitgol kibaaruuji he luwaaji goddi di rentaanii he sartaaji leydi hee.

FECERE XIX- WECCUGOL SARTA AJI LAAMORDI LEYDI NDI

19. Ndee feccere okkirii bollol/laawol no sartaaji leydi weccirtee yoo okkirii gila he fuddi haa he luwaaji weebdi weccu, ina tawaa he darnugol sartaaji yoo boli/laabi fii weccugol. Haa hannde ina lelni sartaaji hadaddi suudu dipiteeji weccugol sartaaji leydi ndii fii besdugol waktu laamagol yeesojo leydi oo ma persidaŦ oo laamuto taa yaadaani he sarti lelnaado oo.Dum ko kessum

FECERE XX- GEDE GODDE

20.1 ndee feccere nde daŦi pecce didi ndariidi he dee gedde

SENGO 1 SUBEEDE HE PALAAS, ACCUGOL PALAAS E KO YAARI NOON

20.2 Ngoo senŦo reglata subegol ligge e accugol palaas laamu yoo lelni saseeji goddi doole mbaade no sasegol waasgol waf yamiroore nde yadaani he luwaa.

SENGO II – FOF-FOF

20.3 Ngoo senŦo okkiri firgol sartaaji leydi ndi he maagol doole keewde seertude yoo darna yowaare rabbitnde e sarta wiiltudo, haa jooni ina wecci sartaaji njogaadidi.

LAABI JAARUDI

(a) Oo sarta leydi eɓɓaado darnii laabi jaarudi tati. Ido oo mbo abbitii he halfugol wertaango Gammbiya; dimmo oo holliri tunnduuji werneteeɗi karte fii suudu dipiteeji; taɓɓere nde immori ko he naɗtagol he desngal e caɗeele immorde he gede godde.

(b) Ndee rogere taɓɓere darni sartaaji leydi, no nabirtee, dental darnee joogoo dongal no sartaaji leydi nabretee. He beesdugol, ndee rogere laɓbinii waktu mbo laamdo joodiido oo wattortee he limgol sahaa mbo ardagol mumleydi ndi huuɓata.

